



Anna Wangenheim  
Demokratit sinnerlugit Inatsisartunut ilaasortaq

**§ 37 naapertorlugu apeqqutip nr. 006/2022-p akineqarnera**  
Asasara Anna Wangenheim,

27-01-2022  
Suliap normua 2022 - 838  
All. nr. 18984937

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Naalakkersuisut apeqqutinut tullinnguuttumi issuarneqartunut akissuteqartinneqartunullu qujapput.

Postboks 1160  
Oqarasuaat: 34 50 00  
Fax: 34 55 05  
3900 Nuuk

Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

- 1. Inatsisitigut aporfissat suut peqqutigalugit kalaallit peqqissaasut nunarput qimangikkaluarlugu immikkut ilisimasaqarfiit tarnikkut immikkut ittumik ilinniagallit, nappaatip piartuutaasut ersiutai aallaavigalugit ilinniagallit, Stomi-mut tunngasut allallu ilinniaqqiffigineqarsinnaaneri periarfissaanngitsut?**

**Akissut:**

Apeqqt pineqartoq akisinnaajumallugu Ilinniartitaanermut, Kultureqarnermut, Ilisimatusarnermut Ilageqqarnermullu Naalakkersuisoqarfimmit paasissutissanik pissarsiniartoqarsimavoq, taakkulu ima ilisimatitsissuteqarput:

*"Peqqissaanermik Ilisimatusarfimmiit ilisimaneqanngilaq tassungaqqissaaq ilinniaqqittoqarnissaanut aporfiusinnaasunik."*

- a. Qallunaat ilinniaqqittarfiisa immikkut isumaqatigiissuteqarfiginerisigut qarasaasiakkut internet atorlugu ilinniaqqissinnaaneq Naalakkersuisut takorluugaqarnerpat?**

**Akissut:**

Ilisimatitsissutigisinnaavarput sulisut ilinniaqqinnissaanut attaveqaatit atorlugit ingerlanneqartartunut Ilinniqqinniarlutik aningaasartuutaasussat akuersissutigineqarnikuusut.

- i. Pisortani aningaasatigut allaffissornikkullu kingunissaat suussappat periarfissamik ammaanermut?**

**Akissut:**

Apeqqt pineqartoq akisinnaajumallugu Ilinniartitaanermut, Kultureqarnermut, Ilisimatusarnermut Ilageqqarnermullu Naalakkersuisoqarfimmit paasissutissanik pissarsiniartoqarsimavoq, taakkulu ima ilisimatitsissuteqarput:

*"Aningaasaqarnikkut allaffissornikkullu malitseqarunnangilaq."*

- b. Naalakkersuisut ilisimatitsisinnaanerlutik, Peqqissaanermik ilinniarfik Qallunaat Nunaanni ilinniarlaqqiffiit – pikkorissarfiillu center-iinut isumaqatigiissuteqarnerlutik nunatsinniiginnarluni Peqqissaasut ilinniaqqissinnaanissaanut pikkorissaqqissinnaanissaanullu ammaassisinnaasumik?**

**Akissut:**

Apeqqt pineqartoq akisinnaajumallugu Ilinniartitaanermut, Kultureqarnermut,

Ilisimatusarnermut Ilageqqarnermullu Naalackersuisoqarfimmit paasissutissanik pissarsiniartoqarsimavoq, taakkulu ima ilisimatitsissuteqarput:

*"Kalaallit Nunaanni pissutsit tunngavigalugit immikkut ilinniarfiusinnaasunik neqeroorusiornissaq siunertaralugu Peqqissaanermut Ilisimatusarfiup Peqqissutsimut aqutsisoqarfik suleqatigalugu oqaloqatigiissutigisimavaat." Ilinnialersussat assigiinngitsutigut immikkut ilisimasassaminnik ilinniarsinnaaniassammata ilinniagaq immikkoortortakkaarlugu agguarneqassaaq. Ilinniartut ilinniagassaminnik qinersinissaanut pitsaanerusemik periarfissaqartitaanissaat siunertaralugu oqaloqatigiinnermi takorluugaavoq ilinniartitaanerup immikkoortortakkuutaartinnissaa.*

**i. Pisortani aningaasatigut allaffissornikkullu kingunissaat suussappat periarfissamik ammaanermut?**

**Akissut:**

Apeqquut pineqartoq akisinnaajumallugu Ilinniartitaanermut, Kultureqarnermut, Ilisimatusarnermut Ilageqqarnermullu Naalackersuisoqarfimmit paasissutissanik pissarsiniartoqarsimavoq, taakkulu ima ilisimatitsissuteqarput:

*"Qulaani oqaloqatigiissutigineqartut eqqarsaatigalugit aningaasatigut malitsigisinnaasai misissorneqarumaarput."*

**2. Naalackersuisut uppersarsinnaanerlunikke Kalaallit sundhedsassistentit Qallunaat Nunaannut ilinniarfissaqartarnerat, naak maani nunatsinni peqqissaasunngornissamat ilinniarfeqaraluartoq?**

**Akissut:**

Apeqquut pineqartoq akisinnaajumallugu Ilinniartitaanermut, Kultureqarnermut, Ilisimatusarnermut Ilageqqarnermullu Naalackersuisoqarfimmit paasissutissanik pissarsiniartoqarsimavoq, taakkulu ima ilisimatitsissuteqarput:

*"Peqqissaasunut ikiortit Peqqissaasunngorusukkuni ilinniarnissaminnut periarfissaqarput. Taamaassappat ilinniarnissamat isernissamat piumasaqaatit naammassippasineqarpata qinnuteqartut allat assigalugit nalilersorneqassapput. Ilinnialersinnaasut amerlassusaat ukiumut killeqarput, ilinniartutullu aallartissinnaasut 14-iupput. Qinnuteqaasiornikkut aamma GUX-mi agguaqatigiisillugu angusimasat tunngavigalugit qinnuteqartartut 70%-iusarput. 30%-ii allat aqutigalugit ingerlasimasut tiguneqartartut tassaapput ilinniarnertuunngorniarfimmi appasinnerulaanik angusaqarsimasut ilassutitulli soorlu peqqissaasunut ikiortit allatigulluunniit misilittagallit. Peqqissaanermik Ilisimatusarfimmiit aamma peqqissaasunut ikiortit peqqissaasunngorniarfimmi tiguneqartarput taamaattorli aamma periarfissaavoq ilinniakkap Danmarkimi ingerlannissaa."*

**a. Ilumoorpat; suut tunngaviuppat Inatsisitigullu suut aporfiuppat ima ajornartigippat allaat sundhedsassistentit peqqissaasunngorusullutik nunaminni ilinniarsinnaanginnerat?**

**Akissut:**

Apeqquut pineqartoq akisinnaajumallugu Ilinniartitaanermut, Kultureqarnermut, Ilisimatusarnermut Ilageqqarnermullu Naalackersuisoqarfimmit paasissutissanik pissarsiniartoqarsimavoq, taakkulu ima ilisimatitsissuteqarput:

*"Peqqissaanermut Ilinniarfimmiit peqqissaasunut ikiortit peqqissaasunngorniartut tiguneqartarput."*

**3. Peqqinnissamut Naalackersuisoqarfiup ataani, Ilinniakkamik qaffassaannermut ilinniaqqinnissamullu Aningaasanut Inatsimmi immikkoortitsisoqarnikuvoq. Naalackersuisut ilisimatitsisinnaanerlutik aningaasat immikoortinneqarsimasut tamarmik atorineqartarnersut?**

**Akissut:**

Ilinniaqqinniartunut aningaasaliissutit ima amerlatigitinnissaanut periarfissaqarpoq Aningaasanut inatsit aqqutigalugu ukiumut 2.200.000 kr.. Ilinniaqqinniartunut aningaasaliissutit atorineqartartut ukiumiit ukiumut nikerarput tassani apeqqutaavoq ukiumut qanoq amerlatigisut atorineqarsimanersut. Tassunga atatillugu oqaatigisinnaavarput, Peqqissutsimut Naalackersuisoqarfimmiit ukiumut katillugit qinnuteqartoqartoqartoq kr. missaat 2022-imi 3.250.000-it. Ilinniaqqinniartunut aningaasaliissutiniit tapiisoqartarnissaanut qinnuteqartut taama amerlatigimmata, 2022-imi qinnuteqartut ilinniarniarlutik aallartittussat tamakkerlugit tapiiffigineqarsinnaanngillat.

2021-mi atuinikinnerunissaq 250.000 kr. missaanik naatsorsuutigineqarpoq, tamatumani pingaarnertut peqqutaanerpaavoq, tapiissutit pillugit qinnuteqaatinik suliaqartartup suliinnaarluni allamik suliffittaarsimanera taamaasillunilu aningaasaliissutit katataasimallutik. Peqqissutsimut Naalackersuisoqarfimmiit aningaasartuutininut akiligassat allagartaat tapiissutinut 2021-ernisanut tunngasut tiguneqareerpata inaarutaasumik naatsorsuutit 2022-ip aallartinnerani aatsaat naammassissapput.

Tamatuma saniatigut eqqaasinnaavarput COVID-19-imik tunillaassuunneq sunniuteqarsimasoq, taamaasilluni 2020-mi aamma 2021-mi corona peqqutaalluni killilersuutit pilernerisa kinguneranik angallannikkut periarfissat ajornartitsineri peqqutaallutik atuartitsineri peqataasinnaajunaartoqartoq. Aningaasaliissutiniit tapiiffigitittussat ilinniaqqinnissaannut periarfissaat asuliinnartinneqannginnissaat qulakkeerniarlugu atunngitsuukkat imaluunniit sippuilluni atukkat Ilinniaqqinniartunut aningaasaliissutini kingusinnerusukkat ukiumi aningaasaliiffiusumut inissinneqartassasut Naalackersuisut aaqqiipput. Taamaalilluni qulakkeerneqassaaq aningaasat peqqinnissaqarfimmi peqqissaavinni sulisunut immikkut ilisimasalinngorniarlutik ilinniaqqinniartunut atugassatut toqqorneqartalissallutik.

Maluginiaqquneqarpoq 7. februar 2022-p tungaanut naatsorsuutini 2021-ernisanik suli inissitassaqsinnaammat. Taamaammat Ilinniaqqinniartunut aningaasaliissutit qanoq amerlatigiumaarnersut suli ilisimaneqanngimmat.

**a. Qassit periarfissamik atuisimappat, ilinniariaqqiffiillu sunut ilinniariaqqittut akuerineqarsimappat?**

**Akissut:**

1. september 2021-mi naatsorsuutit suliarineqareernerisa kingorna takuneqarsinnaavoq ilinniaqqinniarlutik aallartereersimasunut 14-inut tapiissuteqartoqarsimasoq. Tapiissutinik tigusaqartut ilinniakkanut qulinut assigiingitsunut agguataagaapput. Taakkunanilu pineqarput ilinniartut piffissap ilaannaa, ulloq naallugu Kalaallit Nunaanni avataanilu ilinniartut. Ataani takusinnaavasi ilinniartitaanermi sorliit tapiissutinik pisarsinnaanersut.

Amerlassutsit	Ilinniaqqinneq
1	Master i Klinisk Sygepleje
1	Specialuddannelsen i anæstesiologisk sygepleje
1	Specialuddannelsen i intensiv sygepleje
1	Specialsygeplejerske i psykiatrisk sygepleje
1	Peqqissaasoq
1	Master i sundhedsantropologi

1	Kandidat i socialt arbejde
1	Master i offentlig ledelse
3	Akademiuddannelsen i ledelse
3	Diplom i ledelse

Tassunga ilanngullugu eqqaasinnaavarput, Ilinniaqqinniartunut aningaasaliissutitut inissinneqartartut ukiuni kingullerni tallimani 17-inut ilinniartunut ilinniaqqinnerminni ilinniakkaminnik naammassinnissimasunut aningaasatigut tapiiffigineqarnikummata. Ataniittut ilinniagaasimasunik naammassinnissimasut kisitsisinnngorlugit takuneqarsinnaapput.

Amerlassutsit	Ilinniaqqinneq
3	Peqqinnissamat tunngasumik kandidatitut ilinniarneq (Sundhedsfaglig kandidatuddannelse)
1	Specialuddannelsen i anæstesiologisk sygepleje
3	Specialuddannelsen i intensiv sygepleje
3	Peqqissaasut
1	Ph.d.-iinnngorniartut
1	Master i læreprocesser
1	Kandidat i sygepleje
1	Master i Hospitalsmanagement
1	Kandidat i Folkesundhedsvidenskab
1	Kandidat i socialt arbejde
1	Den sundhedsfaglig diplomuddannelse

**4. Naalackersuisut pilersaaruteqarnerlutik qaffassarfiit ingerlariaqqiffiit kandidat-iusut ingerlariaqqiffiillu assigiinngitsunut pilersitsinissamat, soorlu inuiaat peqqissusaannut ilisimatusarnerit imaluunniit meeraaqerisut ilinniarfianik, maani nunami najugaqartunut?**

**Akissut:**

Apeqqu pineqartoq akisinnaajumallugu Ilinniartitaanermut, Kultureqarnermut, Ilisimatusarnermut Ilageqqarnermullu Naalackersuisoqarfimmit paasissutissanik pissarsiniartoqarsimavoq, taakkulu ima ilisimatitsissuteqarput:

*"Ilisimatusarfiup masteritut - imaluunniit kandidatitut ilinniarfiit pilersinniarlugit sulissutigivaat, taamaasilluni bachelorinut arlalinnut ilinniaqqiffissatut toqqarneqarsinnaalissallutik. Ilisimatusarfimmiit ilinniartitaaneq qanoq ittunik imaqqartinnissaa pillugu misissuineq aallartinneqarpoq. Tassani siunertaavoq ilinniartitaanerit akimorlugit/tunngaviumik ilinniartitaanerit soorlu peqqissaasunngorniat, inunnik isumaginninnikkut siunnersortinngorniat, perorsaasunngorniat meeqqallu atuariini ilinniartitsisunngornianut neqeroortoqartalersinnaanissaa.*

**a. Nukiit qanoq annertutigisut atorneqassappat?**

**Akissut:**

Apeqqu pineqartoq akisinnaajumallugu Ilinniartitaanermut, Kultureqarnermut, Ilisimatusarnermut Ilageqqarnermullu Naalackersuisoqarfimmit paasissutissanik pissarsiniartoqarsimavoq, taakkulu ima ilisimatitsissuteqarput:

*"Ilinniarfimmi ilisimatusartut amerlasuut piginissaat aamma ilinnialersussat amerlassutsimikkut naammannissaat pisariaqassaaq."*


**b. Pisortanut aningaasatigut allaffissornikkullu kingunissaat suuppat ilinniaqqiffiit taamak ittunut?**

**Akissut:**

Apeqqut pineqartoq akisinnaajumallugu Ilinniartitaanermut, Kultureqarnermut, Ilisimatusarnermut Ilageqqarnermullu Naalakkersuisoqarfimmit paasisutissanik pissarsiniartoqarsimavoq, taakkulu ima ilisimatitsissuteqarput:

*"Ilinniartitaanerup imarisassaa annertussusissaalu aatsaat aalajangerneqareerpat aningaasatigut allaffissornikkullu malitsigisinnaasat nalilersorneqarsinnaalissapput."*

Med venlig hilsen  
Inussiarnersumik inuulluaqqusillunga



Pele Broberg